

Eqikkaaneq

Aningaasalersuineramik ingerlataqarneq pillugu inatsisip allanngortinneqarnissaa pillugu inatsisip Kalaallit Nunaannut atuutsinneqalernissaa pillugu peqqussutit

Aallaqqaasiut

Kunngip peqqussutissaatut missingiutitigut nassiunneqartutigut siunertaavoq aningaasalersuineramik ingerlataqarneq pillugu inatsisip, kunngip peqqussutaatigut Kalaallit Nunaannut atuutsinneqalersup nutarterneqarnissaa. Naalisakkami matumani Aningaasalersuineramik ingerlataqarneq pillugu inatsim-mut allannguutissatut peqqussutit Kalaallit Nunaannut atuutsinneqalersuttut allaaserineqarput.

Kalaallit Nunaannut inatsisip nutarterneqartussat allannguutissatut inatsisinut tulliuuttunut tunngasuupput:

- nr. 403, 28. april 2014-, § 1.
- nr. 1490, 23. december 2014-, § 1.
- nr. 334, 31. marts 2015-, § 1.
- nr. 532, 29. april 2015-, § 2.

Inatsisip tullerriiarlugit allattukkat inatsisini arlaqartuni aningaasaqarnermut tunngasuni allannguutiniq imaqarput. Allannguutissanulli peqqussutit makku taamaallaat aningaasalersuineramik ingerlataqarneq pillugu inatsimmi allannguutit Kalaallit Nunaannut atuutilersinneqarput, taamaattumik paragrafinut inner-suussutit allanneqartut takukkit. Inatsisip sinneri, inatsisini tullerriiarlugit allattukkani allanngortinneqartut kingusinnerusukkat Kalaallit Nunaannut atuutilersinneqassapput, tamanna kalaallit tungaannit kissaatigineqarpat.

Maanna oqaatigineqarsinnaavoq aningaasaliisut aningaasalersuisullu qularnaveeqqusiinerannut aningaasaateqarfik pillugu inatsisip Kalaallit Nunaannut atuutsinneqalernissaa pillugu peqqussutip peqatigisaanik nutarterneqarnissaa Kalaallit Nunaata kissaatigisimammagu.

Inatsisip allannguinerit tullerriiarlugit allattukkat, kunngip peqqussutaatigut Kalaallit Nunaannut atuutilersinneqartussat, Kalaallit Nunaanni pissutsit pisariaqartitaannik allannguineritallit pingaarnersaat tulliuuttumi sammineqassapput.

Inatsit nr. 403, 28. april 2014-imeersumi § 1-imut oqaaseqaatit

Aktiat taasissutigineqarsinnaanngitsut, aningaasanik atorniartarfimmit pilersinneqartut, aktianik piginneqatigiiffimmut allanngortinneqarsimasumit, allanngortitsinermullu atatillugu aningaasaateqarfik peqatigiiffilluunniit pilersinneqarsimasooq aktianik amerlanerpaanik piginnittuutillugu, aktianik piginneqatigiiffiit pillugit inatsimmi, ikinnerussuteqarlutik aamma amerlanerussuteqarlutik aktiaatillit aningaasanngortitsisarnerat, aningaasalersuineramik ingerlataqarneq pillugu inatsimmi kunngip peqqussutaatigut Kalaallit Nunaannut atuutsinneqalersumi § 20 b, imm. 1-3, § 20 d aamma § 20 e, imm. 2 aamma 3-mut ilaassanngilaq. Ilaatitaannginnermi aktiat taasissutigineqarsinnaanngitsut ilaatinneqassapput allamut tunniunneqarnerminni.

Aktianik piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 20 b, imm. 1-3, § 20 d aamma § 20 e, imm. 2 aamma 3,-mut ilaatitsinani aaqqiissuussinissamik siunnersuutigineqartoq aalajangersagaavoq inatsisitigut aalajangigaasoq. Taa-maasilluni tamanna pillugu malittarisassani aalajangersagaqarnissaq suliffeqarfimmut pisariaqanngilaq.

Danskit inatsisaat malillugit Finanstilsynet EU-mut nunap ilaasortaasup oqartussaasuisa piginnaatitaasut piunnaqarnerisigut, naliliutit piginneqatigiiffinnit oqartussanit pineqartunit nakkutigineqartunit, aamma Danmarkimi sillimmasiisarnermik suliaqartunit pigineqartut kiffaanngissuseqartumik atorneqarsinnaanerat killilersinnaavaat imaluunniit atorneqarsinnaajunnaarsillugit. Malittarisassaq assigisaa Kalaallit Nunaannut eqqunneqassasoq siunnersuutigineqarpoq, tamannali pillugu Kalaallit Nunaannut isumaqatigiittoqareersimassalluni.

Atugassarititaasut sillimmasiisarfiup sillimmasiisumut annikinnerusumik qularnaveeqquteqarluni imaluunniit qularnaveeqquteqarnani nutaamik isumaqatigiissuteqarnissamut neqeroorutaata imarisassai peqqussutissatut siunnersuummi maleruagassaqartitaapput. Peqqussulli piginneqatigiiffiup taassumalu pisisartuisa akornanni isumaqatigiissutinik pioreersunik kalluaanngilaq. Piginneqatigiiffik suliniuteqartuutillugu iliuuseqarlunilu soraarnerussutisialinnut nutaamik toqqaqqullugit neqerooruteqartuutillugu, tamatumani maanna qularnaveeqqusigaaneq piunnaarlugu piginneqatigiiffimmi tunisassiamik allamik annikinnerusumik qularnaveeqqusigaasumik imaluunniit qularnaveeqqusigaanngitsumik taarserneqar-niarluni, aalajangersagaq pineqartoq pisunut tamanut atuuppoq.

Pappialanik nalilinnik niuertut taakkualu pisisartuisa akornanni soqutigisatigut aaqqiagiinngittoqaler-nissaata aarlerinaataa annikillisinniarlugu, peqqussummi siunnersuutigineqarpoq pappialanik nalilinnik niuertuni, pisisartunut ataasiakkaanut aningaasaqarnikkut sakkussanik tuniniaasuni imaluunniit siunnersuisartuni atorfilinnut, aamma tuniniaaneq siunnersuinerluunniit pisisartup tuniniaasullu imaluunniit siunnersuisartup toqqaannartumik attaveqatigiinnerisigut pisarpat, nikerartumik aningaasarsiaqartitsineq inerteqqutaassasoq. Inerteqqulli taamaallaat aningaasarsiat ilaannut nikerartunut atuutissaaq, tamatu-mani apeqqutaalluni sulisoq pisisartunut ataasiakkaanut, tassalu pisisartunut pineqartunik ilinniagaqar-tuunngitsunik imaluunniit akuerisaallutik illuatungerisaanngitsunut aningaasaqarnikkut sakkussanik aalajangersimasumik annertussuilinnik tunisaqarsimanersoq.

Qitiusumik qarasaasiaqarfiit sorliit it-mik suliassaqarfimmi nakkutillineranut isumannaarineremullu iliuutsit toqqiissisimanartut pillugit maleruagassanut ilaasussat kiisalu avataanit sullissisussarsionermut male-ruagassat peqqussutissatut siunnersuutikkut annertusineqarput. Maanna killiliineq malillugu qitiusumik qarasaasiaqarfiit akiliineranut attaveqaatit ataatsimoorussat sinnerlugit it-mik pingaaruteqartumik inger-latsisut, aningaasaqarnikkut suliffeqarfiit qitiusumik qarasaasiaqarfimmut ataatsimoorussamut pingaar-uteqartunik piginnittuussuseqartut kisimik maleruagassanut ilaaffigisaat annertusineqassaaq, tunuliaqu-taasumik piginnittuusut apeqqutaanatik. Tamatuma saniatigut qitiusumik qarasaasiaqarfiit aalajanger-

sakkamut ilaassagunik akiliisarnermut attaveqaatinut ataatsimoorussanut siunnersuutikkut siunissami it-mik ingerlatsineq aamma it-mik ineriartortitsineq suliarisartussaassavaat.

Oqaatigineqassaaq CO2-mik aniortitassamik tuniniaasut pillugit immikkoortoq X f (Kapitali 20 f §§ 343 v-343 æ) Kalaallit Nunaannut atuutsinneqalissanngimmat.

Inatsit nr. 1490, 23. december 2014-imeersumi § 1-imut oqaaseqaatit

Peqqusitissatut siunnersuutikkut aalajangersarneqarpoq iliutsit aningaasalersuineramik ingerlataqarneq pillugu inatsimmi, kunngip peqqussutaatigut Kalaallit Nunaannut atuutsinneqalersumi § 43, imm. 2-mik unioqutitsinerusut, taarsiissuteqarnermut inatsisitigut maleruagassat nalinginnaat malillugit taarsiissuteqarnissamut akisussaaffeqalerneramik kinguneqassasut.

Ileqqorissaarnissamut peqqussutip unioqutinnqarnera isumaqatigiissutinut inatsisini pineqaatissiinerit atorneqarsinnaanerit aalajangersagassatut siunnersuutikkut kallarneqanngilaq, tamatumunnga piumasaaqaatit eqqortinneqarsimappata.

Aningaasalersuineramik ingerlataqarneq pillugu inatsimmi, kunngip peqqussutaatigut Kalaallit Nunaannut atuutsinneqalersumit aalajangersakkamik nutaamik ilanngussisoqarnissaa siunnersuutigineqarpoq, tassani aalajangersagaassalluni, inuussutissarsiutit avataanni attartukkanut akiligassanulluunniit aningaaserivimmit akuersissutigineqartunut akiliussisussamaataanermut pisussaaffik pillugu isumaqatigiissuteqannginnermi, akiliussisussamaataasup akiliussisussamaatitut pisussaaffeqarnerup kingunerinik ilisaritinneqarnissaa qulakkeerneqassasoq. Akiliussisussamaatitut pisussaaffiup qanoq kinguneqarnera pillugu paasissutissanik aamma aarlerinaatit tamatumunnga attuumassuteqartut oqimaaqatigiissumik allaaserineqarnerannik taamatut paasissutissiineq imaqassaaq. Inuussutissarsiortup akiligassaanut akiliisussamaataagaanni, suliffeqarfiup akiligassalik, akiliisussamaataanermut pisussaaffikkut akiligassai qulakkeerniarneqartut akuersisillugu SKAT-imiit naatsorsukkat kingulliit aamma aningaasarsiat alla-gartai kingulliit pingasut imaluunniit ukiumoortumik naatsorsuutit kingulliit tunniutissavai.

Ilanngullugu siunnersuutigineqarpoq aalajangersagaq nutaaq malillugu paasissutissanik tunniussinani akiliisussamaatitut pisussaaffeqarnermik isumaqatigiissut aatsaat atuutsinneqarsinnaasasoq, akiliisussamaataasooq paasissutissanik pineqartunik tunineqanngikkaluarluni, aarlerinaatit akiliisussamaatitut pisussaaffeqalernermit attuumassuteqartut nalilersussallugit illersorneqarsinnaasumik tunngavissaqarsimasooq.

Tamatuma kingunerisaanik paasisutissat piumasaaqatigineqartut tunniunneqarsimanngippata, akiliisussamaatitaasup aarlerinaatit akiliisussamaatitut pisussaaffeqalernermit attuumassuteqartut nalilissallugit illersorneqarsinnaasumik tunngavissaqarsimanissaa uppersarsassallugu ajornakusuussaaq, taamaatumik akiliisussamaatitut pisussaaffik naatsorsuutigineqartariaqarpoq itigartinneqassasoq.

Inuussutissarsiutit avataanni inuup pingajuusup qularnaveeqqusiineranut aalajangersagaq assigisaanik atorneqassaaq. Aammattaaq aalajangersagaq aningaasanik atorniartarfinnut atorneqassaaq.

Sillimmasiisarfiup imaluunniit soraarnerussutisianut aningaasaateqarfiup aningaasaqarnermik peqatigiiffimmi imaluunniit aningaasalersuinermik suliffeqarfimmi nunami allameersumi piginnittuussusai naliliutinut aningaasalersuinermik ingerlataqarneq pillugu inatsimmi, kunngip peqqussutaatigut Kalaallit Nunaannut atuutsinneqalersumi § 159-imut ilaasunut ilanngunneqassappata, aningaasaateqarnermik peqatigiiffiup imaluunniit aningaasalersuinermik suliffeqarfiup nunanit allaneersup malittarisassaanut killiliinerit suut ilaassanersut erseqqissaatigineqassasoq siunnersuutigineqarpoq.

Finanstilsynetip suliffeqarfimmik naliliineranik tamanut saqqummiussinissamut suliffeqarfiit pisussaaffii pillugit maleruagassiornissamut inuussutissarsiornermut ineriartortitsinermullu ministerip inatsisitigut tunngaviisa annertusinissaat peqqussummi ilanngullugu siunnersuutigineqarpoq, taamaasilluni suliffeqarfiit assigiinngitsut tamarmik, aningaasalersuineramik ingerlataqarneq pillugu inatsit, kunngip peqqusutaatigut Kalaallit Nunaannut atuutsinneqalersoq malillugu nakkutigisaasut ilaalissammata. Taamaatumik siunnersuutigineqarpoq sipaarniarnermik suliffeqarfiit, aningaasalersuineramik siunnersortit aam-ma qitiusumik qarasaasiaqarfiit ataatsimoorussat atorineqarfianut ilaatinneqassasut. Aningaasaqar-nikkut suliffeqarfiit namminneq tunisassiortuunngitsut aamma sillimmasiisarfiit namminneq tunisassiortuunngitsut eqqarsaatigalugit inatsisitigut tunngavik pioreersoq erseqqissaatigineqarpoq.

Aammattaaq aningaaserivinni, aningaasanik atorniartarfinni sillimmasiisarfinnilu siulersuisunut ilaasortat piginnaasanik suliffeqarfinni taamatut ittuni siulersuisunut ilaasortanut pisussaaffiit suliassallu naammassisinnaajumallugit pisariaqartinneqartut pillugit tunngaviusumik pikkorissartarnissaannik aalajangersakkamik peqqussutissatut siunnersuut imaqarpoq. Tamatuma saniatigut peqqussut aalajangersakkamik imaqarpoq, taanna malillugu siulersuisunut ilaasortap aningaasaqarnermik suliffeqarfiup siulersuisuinut ilaasortanngornermi kingorna kingusinnerpaamik qaammatit aqqaneq marluk qaangiutsinnagit tunngaviusumik pikkorissarneq naammassisimangippagu, Finanstilsynetip peqqusinnaavaa aningaaserivinni, aningaasanik atorniartarfinni sillimmasiisarfinnilu siulersuisunut ilaasortaq piffissaliussap Finanstilsynetip aalajangersagaata qaangiutinnginnerani tunuaqqullugu.

Siulersuisunut ilaasortat taagorneqartut tunngaviusumik pikkorissarnermik naammassinninnerat pillugu aalajangersakkat peqqussutip sinnerata atuutilerfissai malinngilaat. Taamaasilluni aalajangersakkat atuutilerfissaat ministerimit aalajangersarneqassaaq. Tamatumunnga atatillugu oqaatigineqassaaq aalajangersakkat suli Danmarkimut atuutilersinneqanngimmata.

Inatsit nr. 334, 31. marts 2015-imeersumi § 1-imut oqaaseqaatit

Allannguutissatut siunnersuutit Finanstilsynetimut aamma Finansiel Stabilitetimit pisinnaatitaanerit piginnaatitaanerillu nutaat arlaqartut eqqunneqarnissaannik siunertaqarput, aningaasaqarnikkut suliffeqarfimmik, maleruagassanut ilaasumut, ajornartorsiortumut imaluunniit ajornartorsiulernissaanik ilimnartumut naammaginartumik angusaqarluni akuliussinnaanissaq siunertaavoq. Allannguutit tulluuttumi erseqqinnerusumik allaaserineqassapput.

Peqqussutissatut siunnersuutikkut Finansiel Stabilitet A/S peqqussummi sumi tamani Finansiel Stabilitet-inngorlugu allanngortinneqassaaq, Finansiel Stabilitet aktianik piginneqatigiiffimmit naalagaaf-fimmit pigineqartumit allanngortinneqarmat, pisortat suliffeqarfigilerlugu namminersortoq. Tamatumun-nga atatillugu Finansiel Stabilitet A/S-ip suliassani pioreersut tunniutissavai. Aningaasaliisut aningaasalersuisullu qularnaveeqqusiinerannut aqqissuusiineq Finansiel Stabilitetimit kattunneqassaaq, taannalu nutaanik arlaqartunik suliassaqaalissaaq. Finansiel Stabilitet inatsisitigut isigalugu tassaajuasaaq inatsisitigut pisinnaatitaasoq pisussaataitaasorlu.

Aningaasaliisut aningaasalersuisullu qularnaveeqqusiinerannut aningaasaateqarfiup siunissami aningaasaliisut aningaasalersuisullu qularnaveeqqusiinerannut aqqissuussinngorlugu (Qularnaveeqqusiineranut Aningaasaatit) nutaamik aqqissuteqqinnerata malitsigisaanik arlalinnik allannguuteqartoqassaaq. Aningaasaateqarfik inatsisitigut pisinnaatitaasutut pisussaataitaasutullu namminersortutut, namminerisaminillu siulersuisoqartutut atorunnaarsinneqassaaq, aningaasaatalu qularnaveeqqusiineranut aningaasaatinut Finansiel Stabilitetimit allaffissornikkut ingerlanneqartumut tunniunneqas-sallutik. Aningaasaateqarfik assignagu qularnaveeqqusiineranut aningaasaatit tassaassanngilaq inatsisitigut

pisinnaatitaasoq pisussaataasorlu, taamaattumik suliassat aningaasaateqarfimmut siulersuisut aningaasaateqarfimmut sullississutigisartagai Finansiell Stabilitetimi siulersuisut siunissami suliarisalertussaavaat. Finansiell Stabilitet naalagaaffilluunniit qularnaveeqqusiinermut aningaasaatinut akiliisussaataitaassanngillat, taakku suliffeqarfiit ilaasut tapiissutaannit annertusiartuaartinneqassam-mata.

Ilanngullugulu peqqussutissatut siunnersuutip kingunerissavaa nappartitseqqinniaanermut pilersaarutit, siusissukkut akuliunnermut atatillugu atorneqartut imaannut piumasaqaatit annertusineqarnerat. Suliffeqarfinni aalajangersakkamut ilaasuni nappartitseqqinnermut pilersaarutit aqutsinermut sakkussaapput, suliffeqarfiullu aningaasaqarnikkut inissisimanera ajorsissagaluarpat, pissutsit iluarseqqinniarlugit suliffeqarfiup nammineerluni iliuuseqarnissaa siunertaavoq. Annertuumik ajorseriartoqarpat, Finanstilsynetip piginnaatitaanini sakkortunerusumik akuliuffiusutut atorsinnaavaa, soorlu aqutsisut tamarmik ataatsimoorlutik suliaminnit tunuarnissaannik pisussaaffilerlugit.

Suliffeqarfiup naappartitseqqinnissamik pilersaarutai Finanstilsynetimut nassiunneqassapput, taassumalu pilersaarutit Finansiell Stabilitetimut saqqummitissavai.

Peqqussutissatut siunnersuummi piginneqatigiiffissuit nappartitseqqinnissamik pilersaarutaannut maleruagassat aalajangersarneqarput. Piginneqatigiiffissuarmik nappartitseqqinniaanermik pilersaarummi piginneqatigiiffissuaq ataatsimut isigalugu ilaatinneqassaaq ilanngullugit piginneqatigiiffiit pigisat, aningaasaqarnermik suliffeqarfiunngitsut. Finanstilsynet nappartitseqqinniaanermut oqartussaattillugu assigisaanik allanneqarpoq piginneqatigiiffissuarmik nappartitseqqinniaanermut pilersaarutit oqartussanut kikkunnut Finanstilsynetip nassiutissanerai. Pilersaarutip pingaaruteqartunik amigaateqarneranik Finanstilsynetip suliffeqarfimmik imaluunniit piginneqatigiiffissuup suliffeqarfanik pingaarnermik ilisimatitsippat, suliffeqarfik pilersaarummik iluarsartuuteqqitamik suliaqassaaq.

Aningaasanik atorniartarfiup annaasaminik nammataqarsinnaanera sapinngisamik annerpaamik qulakkeerniarlugu, aningaasanik atorniartarfiit aningaasatigut atugaat akiliisinnaassusiallu pillugit maleruagassat atuuttut akiitsunut pissamaateqarnissaannik piumasaqaammik ilaneqarnissaat siunnersuutigineqarpoq. Akiitsunut pissamaatit qulakkiissavaat aningaasanik atorniartarfiup qitiusumik aningaasaativiminni, aningaaserivimmit attartukkanik taarserallagassaanngitsunik qitiusumik aningaasaatiminni ilassutaasumik aningaasaatiminni imaluunniit akiligassani akiliisinnaajunnaarneri siulliullugit akilernerqartussani qulakkiigaanngitsuni suliffeqarfimmillu namminermit atuutsinneqalersuni pissamaateqarnissaat akiitsunut pissamaatit qulakkiissavaat. Taamatut iliornikkut aningaasanik atorniartarfiit atorunnaarsinneqarnissamut pilersaarusiorsinnaassapput, bail-inimik sakkussat atorneqannginnerannik kinguneqartumik, taannalu malillugu aningaasanik atorniartarfiit akiligassanut nalikillisarneqarnissamut naleqquttunut piumasaqaatit eqqortittussaannngilaat. Peqqussutissatut siunnersuummi aalajangerneqarpoq siusissukkut akuliunnissamut maleruagassat, tak. § 243 a-tut siunnersuutigineqartoq aamma § 243 c-tut siunnersuutigineqartoq piginneqatigiiffissuarnut atorneqassasut.

Tamatuma saniatigut piginneqatigiiffissuup iluani aningaasaqarnikkut ikiuinissamik isumaqatigiissuteqarnermut maleruagassanik peqqussut imaqarpoq, piginneqatigiiffissuarmilu suliffeqarfiup siusissukkut akuliunnissamut piumasaqaatit eqqortippagit atorneqarsinnaalluni, tak § 243 a-tut siunnersuutigineqartoq aamma § 243 c-tut siunnersuutigineqartoq, aamma piginneqatigiiffissuup iluani aningaasaqarnikkut tapiissuteqarnissamik eqqarsaat Finanstilsynetimit akuerineqarsimappat. Aammattaaq piginneqatigiiffissup iluani aningaasaqarnikkut tapiissuteqarnerup atorneqarnissaanut piumasaqaatit erseqqinnerusut peqqussummi maleruagassaqartinneqarput.

Aningaaserivik, aningaasanik atorniartarfik imaluunniit taakku niuernermet immikkoortuat aalajangersimasooq kattunneqassappat, aningaasaliisut aningaasalersuisullu ilisimatinneqarnissaannut piffissaliusatigut piumasaqaatit peqqussutissatut siunnersuummi ilanngullugit aalajangersarneqarput.

Peqqussutissatut siunnersuutikkut Finanstilsynet erseqqissumik inatsisitigut tunngavissinneqarpoq aningaaseriviup, aningaasanik atorniartarfiup imaluunniit fondsmæglerselskabip l'p akuersissutaanik arsaarinninnissamut, assersuutigalugu aningaasanik tigeriaannarnik naammanngitsunik peqarneq tunuliaqataralu.

Tamatuma saniatigut aningaaseriviup, aningaasanik atorniartarfiup imaluunniit fondsmæglerselskabip l'p qaqugukkat ajornartorsiortarnerannik imaluunniit ajornartorsiulernissaannik naatsorsuutigineqartarnerannik allaaserinninnermik peqqussutissatut siunnersuut imaqarpoq. Atorunnaarsitsinissaq imaluunniit nappartitseqqinniaanissaq sioqqullugu suliffeqarfiup ajornartorsiornera atorunnaarsitsinissamut piumasaqaatit eqqortinneqartussat pingasuusut siullersaraat. Atorunnaarsitsinissamut piumasaqaatit marluk sinneri tassaapput suliniutit allat namminersortunit imaluunniit Finanstilsynetimit aallartinneqartut periarfissaarussimanerat, atorunnaarsitsinerlu inuiaqatigiinnit soqutigisaassalluni.

Peqqussutissatut siunnersuutikkut Finanstilsynet arlalinnik ilassutaasumik piginnaatinneqarpoq, Finansstilsynetip piginnaatitaanera pioreersut peqatigalugit suliffeqarfimmut aningaasaqarnikkut ajornartorsior-tunut akuliunnissamut atorneqarsinnaasunik. Peqqussutissatut siunnersuutigineqartumi assigisaanik aalajangersarneqarpoq, Finanstilsyneti piginnaatitaanerminik atuissappat, piumasaqaatit suut eqqortin-neqarsimassanersut.

Suliffeqarfiup aningaasaqarnikkut atugai annertuumik ajorseriaateqarsimappata, Finanstilsynetip piginnaatitaanini akuliuffiunerusoq atorsinnaavaa, assersuutigalugu aqutsisut tamarmiullutik suliaminnik unitsitsinissaat piumasaqaatigalugu imaluunniit allaffissornikkut ingerlatsisuugallartumik ivertitsilluni.

Peqqussut aamma aalajangersakkamik imaqarpoq, tassuunakkut Finanstilsynetip peqqusinernik aallartitsinera suliffeqarfiup attaveqarfugalugit suleqatigisaasa assersuutigalugu isumaqatigiissummik allanngortitsinissamut atorunnaarsitsinissamulluunniit periarfissaqalernissaannik pinngitsoortinneqas-salluni.

Peqqussutissatut siunnersuut aningaaseriviup, aningaasanik atorniartarfiup aamma fondsmæglerselskabip l'p sulianik ingerlatseriaasiinut piumasaqaammik imaqarpoq, taamaasilluni suliffeqarfiup ajornartorsiorneranik naliliinissamut paasissutissat pisariaqartinneqartut piffissaliussap sivikitsup, aala-jangersakkami aalajangikkap iluani suliffeqarfiup pissarsiarisinnaassagai qulakkeerneqarluni. Aammatta-aaq suliffeqarfiup aningaasaqarnikkut sunik isumaqatigiissuteqarsimanera pillugu nalunaarsuutininik suliarinninnissamut Finanstilsynetip suliffeqarfimmut peqqusisinnaanera inatsisitigut tunngavissinneqarpoq.

Aammattaaq aningaasalersuinnermik suliffeqarfiit nalunaaruteqarnissamut pisussaaffii nutaat peqqus-summi aalajangersarneqarput.

Peqqussutissatut siunnersuummi ilanngullugu takuneqarsinnaavoq Finansiell Stabilitet aamma Finansstilsynet siunissami suleqatigiillutik suliffeqarfimmut ilaatinneqartunut atorunnaarsitsinissamik pilersaarutininik suliarinnissasut. Suliffeqarfiit ataasiakkaat ajornartorsiulissappata imaluunniit ajornartorsiuler-nissaat ilimanaateqarpat aqqissutissatut ilusiliussat suut aallaavittut atorneqassanersut pilersaarutini siunnersuutigineqassaaq. Atorunnaarsitsinissamik pilersaarummik suliarinninnermut atatillugu pilersaarutip piviusunngortinnissaanut aporfinnik paasisaqartoqarpat, Finanstilsynet suliffeqarfimmut peqqusi-nissamut inatsisitigut tunngavissinneqarpoq.

Atorunnaarsitsinissamik pilersaarutit nappartitseqqinnissamik pilersaarutit assiginagit oqartussat pilersaarutigaaq. Tamanna isumaqarpoq, suliffeqarfiit allakkat naatsumik eqikkakkat saniatigut pilersaarutininut tunngasut allaganngorlugit pisinnaanngikkaat.

Peqqussut pissutsinik arlalinnik, atorunnaarsitsinissamut pilersaarutini sammineqartussanik imaqarpoq, assersuutigalugu pilersaarutini assigiinngitsut pisinnaasut eqqarsaatigineqassapput aamma suliffeqar-

fiup qaqugukkut qitiusumik aningaaserivinni sullississutinik atuinissamut qaqugukkut qanorlu ililluni qinnuteqarsinnaaneramik nalilersueqqisaarnerit. Tamatuma saniatigut piginneqatigiiffissuarnik atorunnaarsitsinissamik pilersaarutit suliniutit pillugit eqqarsaatersuutinik imaqqassapput, ilanngullugit suliasat aalajangersimasut niuernermiluunniit suliaqarfiit aalajangersimasut inatsisilerinikkut aningaasaqarnik-kulluunniit immikkoortinnerat, tamanna piginneqatigiiffissuup atorunnaarsinnissaata oqinnerulernissaanut pisariaqarpat, tamatumunnga piumasaqaatit eqqortinneqarsimappata.

Tamatuma saniatigut suliffeqarfinnut ilaatinneqartunut aningaasaqarnikkut tunngavigisat akiligassallu nalikillilerneqarnissamut naleqquttut pillugit piumasaqaatit minnerpaaffiinik peqqussut imaqqarpoq. Akiligassanut nalikillilerneqarnissamut naleqquttunut piumasaqaatit akiligassat aningaasaqarnikkullu tunngaviit tamarmiusut aalajangersimasumik procentiattut aalajangersarneqassapput. Suliffeqarfiit nalikillisaanermik suliniutinik, ilanngullugu bail-in-imik sunniutikinnerulersitsisumik pisussaaffimminnik aaqjissuussinnginnissaasa qulakkeernissaat tamatumunnga siunertaavoq. Atorunnaarsitsinissamik pilersaarummi suleriaaseq toqqarneqartoq piumasaqaatikkut ersersinneqassaaq.

Peqqussutissatut siunnersuutigineqartumi aamma aalajangersagaqarpoq piginnaatitsissutinut kommissionip inatsisinik allanngortitsinngitsunik peqqusinernik suliaqarnissamut aamma piviusunngortitsinissamut inatsisinik (level 2) suliaqarnissamut, ilanngullugit teknikkikkut pitsaassutsinik EBA-p oqaasinngortissallugit piginnaatitaaffigisaanik akuerissuteqarnissamut atuutilersitsinissamullu kommissionip piginnaatinneqarfigisaanut tunngasunik. Taakku imarisassaat sulii ilisimaneqanngilaq, taamaattumik level 2-p atornissaanut piviusunngortinnisaanulluunniit maleruagassat pisariaqartinneqartut inuussutisarsiornermut ineriartortitsinermullu ministerimit aalajangersarneqarsinnaanerit ilanngunneqarpoq.

Suliat Erhvervsankenævnet suliaasiissutigineqarsinnaasut peqqussutikkut annertusineqarput, level 2-mi inatsisitigut suliat/peqqussutit ilanngullugit ilaatinneqalermata.

Peqqusutikkut aamma siunnersuutigineqarpoq kapitali 15 a-tut siunnersuutigineqartoq malillugu siusisukut akuliunnermut atatillugu Finanstilsynetip piginnaatitaanera annertusineqassasoq. Ullumikkut suleriaatsimi paasinarpoq aningaasaatinut piumasaqaatinik eqqortitsinnginneq aningaaseriviup, aningaasanik atorniartarfiup imaluunniit fondsmæglerselskabip l'p akuersissumminnik annaasaqarsinnaalersittarai. Kapitali 15 a-tut siunnersuutigineqartoq malillugu siusissukut akuliunnissamut piginnaatitaanerit aningaasaatinut piumasaqaatinut killilerneqanngillat, taamaattumik illuatungerisanik soqutiginnittunik soqutigisalinnillu oqaloqatiginninnissamut piginnaatitaaneq aamma aningaasaatinut piumasaqaatinut killilerneqanngillat, kisianni akuersissutip piginnarnissaanut piumasaqaatinut killiligaallutik.

Peqqussutissatut siunnersuutigineqartumi inuussutisarsiornermut ineriartortitsinermullu piginnaatitsinermik aalajangersagaq ilanngunneqarpoq, niveau 2-mik maleruagassat imaluunniit ilassutaasumik maleruagassat inatsisissatut siunnersuutit akuerineqartarnerannit sukkanerusumik eqaannerusumillu piviusunngortinneqarsinnaanerit pisariaqarsinnaasarmat.

Inatsit nr. 532, 29. april 2015-imeersumi § 2-mut oqaaseqaatit

Aningaasalersuineramik ingerlataqarneq pillugu inatsit, kunngip peqqussutaatigut Kalaallit Nunaannut atuutsinneqalersoq peqqussutikkut allanngortinneqassasoq siunnersuutigineqarpoq, taamaasilluni sillimmasiisarfiup suliarisinnaasai taamaasillunilu sallertut suliami saniatigut aalajangiisutut sunniuteqarfigisinnaasai annertusineqassallutik. Taamaasilluni sillimmasiisarfiit siunissami attaveqaatinik, ilanngullugit teknikkikkut sanaartukkanik, angallannermut sanaartukkanik illuutinillu sanaartorsinnaallissapput, piginnittuusinnaassallutik ingerlatsisinnaassallutillu, taamaanneratigut sillimmasiisarfiit tamakununnga aningaasaliisinnaassusiat aningaasaleerusussusiallu annertusissaaq. Sillimmasiisarfiit taa-

maallaat atugassiissutinik ataavartumik inissiinermut atatillugu pigisanik aalaakkaasunik sanaartorsinnaanerannik, piginnissinnaanerannik ingerlatsisinnaanerannillu piumasaqaatip peqatigisaanik atorunnaarsinneqarnissaa siunnersuutigineqarpoq. Piumasaqaat taanna sillimmasiisarfiit illuutitut aningaasaliissuteqarusussusiannut killiliisimavoq, aalajangersakkallu malitsinniarnera ajornakusoorsimalluni, sillimmasiisarfiit maleruagassat atuuttut malillugit pigisanik aalaakkaasunik tunisaqarsinnaammata, taassumali pisiarinerata nalaani tamanna siunertarisimassanagu.

Inuussitissarsiornermut ineriartortitsinermullu ministerip aningaaserivimmi nalinginnaasumik konto, ilanngullugu kontomut ukiumoortumik akiliuteqartoqartassappat akiliutit annertussusissaat pillugit maleruagassiorsinnaaneranut inatsisitigut tunngavissaq siunnersuutikkut ilanngullugu eqqunneqarpoq.

Aningaaserivinni aningaasanillu atorniartarfinni sulisut ataasiakkaat, inissianut attartukkat pillugit isumaqatigiissutinik sinniisuuffigisaqarunik, neqerooruteqartarunik, siunnersuisarunik allaffissornikkullu aqut-sigunik sunik piginnaasaqarnissaat pillugu maleruagassanik erseqqinnerusunik inuussutissarsiornermut ineriartortitsinermullu ministerip aalajangersaasinnaaneranut inatsisitigut tunngavissamik peqqussut aamma imaqarpoq.

Peqqussutissatut siunnersuutigineqartukkat piumasaqaataalerpoq aningaaseriviit aningaasanillu attartortitsisarfiit qulakkiissagaat suliffeqarfimmi atorfillit aningaasarsiaqartitaanerat aningaasalersuiner-mik ingerlataqarneq pillugu inatsimmi, kunngip peqqussutaatigut Kalaallit Nunaannut atuutsinneqalersumi § 43-imi suliffeqarfiup pisussaaffiit akerliunnginnissaa.

Ullumikkut aningaasaqarnermik suliffeqarfiit, aningaasaqarnikkut suliffeqarfiit namminneq tunisassior-tuunngitsut kiisalu sillimmasiinermik suliffeqarfiit namminneq tunisassior-tuunngitsut, ukiumoortumik nalunaarusiatik pingasunngorlugit Finanstilsynetimut nassiuttartussaavaat, taakkunanngalu ataaseq Finanstilsynetip Ervhervsstyrelsenimut nassiateqqissavaat, taassumalu aqutsisoqarfiup qarasaasiaqar-fia aqputigalugu ukiumoortumik nalunaarusiat tamanut saqqummiutissavai. Maleruagassat taakku piffis-sami ukiumoortumik nalunaarusiat nalininngaasumik pappialanngorlugit nassiuunneqartarfianneernerat malunnaatigaat. Ullumikkut ukiumoortumik nalunaarusiat digitalinngorlugit amerlanertigut nassiuun-neqartarput, taamaattumik pingasunngorlugit nassiussisarnissamik kiisalu tamanut saqqummiunneqar-nissaat siunertaralugu Ervhervsstyrelsenimut nassiateqqinneqartarnissaannik piumasaqaat ullutsinnut naleqqukkunnaarsimavoq.

Peqqussutissatut siunnersuutikkut aalajangersagaq imatut allanngortinneqarpoq, aningaasaqarnikkut suliffeqarfiit namminneq tunisassior-tuunngitsut kiisalu sillimmasiinermik suliffeqarfiit namminneq tuni-sassior-tuunngitsut § 195, imm. 1, oqaaseqatigiit siulliit malillugit tunngavissaqanngitsumik utaqqinatik ukiumoortumik nalunaarusiatik inaarutaasut akuerisallu tamanut saqqummiunneqarnissaat siunerta-ralugu Ervhervsstyrelsenimut nassiuttassagaat, Ervhervsstyrelsenip imm. 1, oqaaseqatigiit pingajuattut siunnersuut malillugu ukiumoortumik nalunaarusiap assilinqarnera nakkutilliinermut atorneqartussaq Finanstilsynetimut nassiuttassagaa.